

四庫全書

集部

欽定四庫全書

御製詩二集卷二十二

古今體一百一十六首

辛未一

辛未元旦

瑞烟喜爆引晨光  
首祚新春啓百祥  
一歲勤民今日始  
大清承運萬年昌  
玉階王會衣冠盛  
金殿朝儀禮樂章  
正值

慈寧開六袞敷天壽域慶方長

元旦試筆

寰瀛啟祚慶元正試筆先吟萬事亨  
新歲符桃占稔歲祥聲爆竹發春聲  
幸逢累洽重熙世益勵敬

天勤政情乘氣行時應倍勝江南韶  
令早相迎

王淵桃竹春禽圖用圖間題者韻

滿幅和嬌色春光忽冶明更聽枝頭  
鳥東皇鼓吹聲春水綠且淨春筠靜  
不譁雙鴛交頸卧一夢穩烟花

古銅章歌

鳥遺神跡皇頡循書傳六體篆最真  
岵嶠石鼓傳鴻文  
依稀星斗懸高靈求其近是當於秦  
漢承其法徵據陳  
撥蠟鑄金鐫泐勻封邑爵號犁然分  
詎惟鑒古怡心神  
藉考數千年草因誰搜與衍金薤珍  
藏弃已久典內人  
屏檔惟謹錯置紛重排次命翰苑臣  
乃得列眉指掌紋  
斗檢壇紐各編鱗翠光褐色古且新  
龜文斜列擲龍鱗  
鼎彝之側席上賓靜為瑞星動裔雲

題唐棣烟波漁樂圖

施爪潑潑笑聲譁換酒烹魚樂莫加無慮催科敲夜戶  
東瀼西塞好浮家

乾清宮小宴宗室臣工即席得句

初筵和會景含韶瑞色瓊樓雪未消已覺心期欣夏麥  
好酬節物頌春椒紫觴底用行麟脯青律徐聞引鳳簫  
行葦載歌厯保泰百年一統正熙朝

新春重華宮

卽漸青韶到玉鑾新年書史伴清歡錦呈天鹿裁幡勝

篆引仙凰噴麝蘭風定蓮壺添永漏雪融鴛瓦避輕寒  
奏章尚簡心餘暇鏡古勤思體治安

寓言

置方丈之屏於十步之前而不能蔽九仞之山一指當  
目可使不見秦華巔畫灰促膝謂弗聞焉書其後者不  
啻耳屬於垣勿恃己之明勿謂人弗聰叶吾誰欺乎與  
時偕行

齋居讀書效白居易體

志在魯論語行在虞典謨觀理上下易游情三百詩叶  
苟能體諸躬四種蘊無餘但侈資博覽五車亦云徒新  
年景和韶法宮此齋居政務值多暇吾還讀吾書讀書  
如是讀豈同章句儒

十八學士登瀛洲歌題李公麟所畫

府開天策敦儒林章縫魚雅欣盍簪優游永日夫何事  
未必徒耽經史資歌吟當時學士數十八世間爭羨登  
瀛洲而入琳闕試問閭家右相傳神筆是中誰果真仙

骨我間潜龍勿用子之綱通易豈必惟京房雍容羣彥  
倘陳及庶其禍弭闕于牆春秋要欲責賢備我偶為歌  
申其義伯時摹古構長圖有合間乎姑且置

王蒙倣李公麟藍田莊圖

同意不須同格調藍田生面宛重開題詞詎似蘓學士  
折簡惟招裴秀才輞水淪漣琴筑響屏山截薛黛螺堆  
龍眠長卷相叅證水水青藍謾浪猜

題宋宣和澄泥硯



澄泥貢硯識宣和小篆分明泐未磨撫不手留質古玉  
映教心澹色春波出陶底異銅臺瓦受墨偏宜斐几娥  
溫室餘閒常命什勅幾惟覺慚去聲賡歌

雪

正月  
四日

舒葉雲呈瑞含花雪先

去聲

春霏微風點玉爛漫日融銀

節景佳尤倍農祥喜是真麥占符去歲甘雨更期旬

去歲

正月四日亦雪春夏  
之交惜復望雨故云

孟春時享

太廟

魯論欽與祭周雅詠於昭

太室修精禴王春報始韶甃瓜繇並衍本木接非遥濟

濟趨三獻

宗廟之祀皆宗室奉爵

依依眇

九霄僊間希

黻宸顯相肅鸞僚

啟佑鴻規遠丕承仰

五朝

免江南積欠二百七十萬及浙江本年正供三十

萬兩省在京臣工具摺謝恩詩以示之

御宇十六年敬勤盟宥密日久虞或懈觸事勵無逸祇  
此保赤懷自信始終一際和賴

天庥宜與民休息正供三百萬概免施恩恤念茲江浙  
地財賦之所出豈能無水旱曾未靳賑賙閭閻象如何  
觀民將啟蹕正逢大慶歲

慈寧開六袞兩江積逋多蠲除惟一律浙省歲額完足

占民俗質示嘉量寬徵庶免追呼疾百工佐予者寰海  
籌寧謐爾雖懷桑梓予惟責名實但期一德同言謝均  
奚必在易有至訓惠勿問元吉

新春瀛臺即景

鏡中結構學蓬萊行樂新春到薤臺春入湖山韶且秀  
雪凝樓觀淨無埃

詰曲蘭蹊竹柏清春煙融冶泮初晴書齋間檢前題句  
又覺新年景物迎

翰墨林中靜六情收來雪水煮三清名茶天街爆竹喧鳴  
處都是皇州報喜聲

補桐書屋作

初歲喜載陽仙壺得春早玉梯步嶙峋石門尋窈窕芸  
齋小留憩琴音和春鳥風竹動琅玕雪梅綴珠蓂契理  
獨忘言佩文因味道

豐澤園賜外藩小宴

高張黃幕商雲垂珀色流霞泛紫卮我謂嘉賓漫矜式

羣稱屬國奉威儀  
零陵瑄玉調雙鳳  
少海驪珠燦九枝  
行慶發祥同宴衍  
一家中外保雍熙

蘓軾墨竹

絕壁離披數葉筠  
翁作此宿無塵

軾自識云元祐三年五月八日武昌

朱君善招飲於雲麓寺宿無塵閣作此

莫嫌石瘦根何托  
大似稜稜強項

人

題唐人會昌九老圖

簪盍車懸樂且康  
引年頤志洛之陽  
宛教撫蹟尋崖口

不異同時觀會昌九老八百十六歲一時翰墨几筵香  
披圖猶憶東都路惜未曾逢履道坊

新月

碧漢一彎新寒光且未勻今年初見月去歲已思人雪  
積成清友梅疎得幻身無須眄三五翫影看移頻

承光殿

似月琉璃界中規詆蕩闥竦鰲橫飲練鵲密鋪銀乘  
暇境尋勝含韶景奏新時行饒樂意嘉與物皆春

今年三月為

孝賢皇后三週之辰以恭奉

皇太后南巡屆期弗獲躬奠爰於孟春七日預行致祭  
流光瞬息觸緒增悲感成長律

展義觀民已練辰

慈輿行慶奉南巡奠朝不與悲先奠人日那堪憶故人  
預恐觸懷靈輜舊更當接禮翟衣新青齊此去經由路  
未擬思量早愴神



題宋人秋山圖

秋山合沓草堂閒  
秋宇霜高秋樹殷  
元四大家此津逮  
晉七賢者其往還  
劇憐慘淡經營處  
更逢峭蒨青蔥間  
擬携新稿憑書案  
字句從頭自檢刪

雪

人日宜晴和降雪亦云美  
詰晨霏瑞葉人意都含喜  
曉烟凝郭外村路遵迤邐  
鱗塍滋麥根虬柯綴花蕊  
靜安  
酌寫懷驚心歲月駛  
既往復洒然世情率如此  
孰能久

弗忘與之研精理

重華宮侍

皇太后宴

首歲熙春宴重華介

壽辰綵屏開令節瓊爵獻

慈親樂奏千年曲燈迎五夜新樓頭紛瑞玉淑氣協鴻  
鈞

雪

正月  
八日

紛綵瓊蕊玉樓飄第一農祥應扈謠輕拂東風花疊勝  
旋烘午日筋垂燎欣看臘雪迎春雪明日立春正值人朝接  
穀朝今日稱觴

王母降嶠山及節景添韶

辛未春帖子詞

玉律含韶令金鋪霽淑光

慈寧開六袞壽慶肇三陽

青輅復青旂行春三日遲

是歲正月九日立春於  
十三日卜吉南巡啟駕江南

花共柳喜色待

萱帷

施惠早蠲三省賦勤民惟祝屢年豐靈臺太史先陳瑞  
報到朝來風自東

祈穀齋居

伊古重民天祈穀實

大祀仲辛屆首春東郊逮于耜遷坐御齋宮猶懼吾心  
弛銅人如師保屋漏十手指微誠冀少通貺我豐年美

豐年豈易綏寰宇博九陸大有信希邁粉飾我不為水  
旱亦常有濟之在及時所虞人力薄究賴

天恩垂

天恩匪可倖叶孜孜勉勤政省方典固昭與祭義應敬  
歲事乃啟蹕孚顒仰

神聽錫福和且平願共斯民慶

詣齋宮

春城晴雪勒輕寒帝里韶光輦上眷耀采樓頭仍積玉

昭聲旗角細揚鑾齋宮一室精誠聚

穹殿三陟瑞靄攢

彤嚮登豐在馨德明衣自問未能安

祈穀禮成述事

兩行燿火引晨明辛歲祈辛敬倍生粒食惟時欽

帝則豐年為瑞合人情升馨陶爵行三獻應律簫韶奏  
九成錫我

繁禧共民樂江南化雨閱春耕

恭奉

皇太后南巡啟蹕京師近體言志有序

茲乾隆辛未建紀之歲實

慈寧六旬大慶之年奉

遊豫以祝釐

皇祖聿垂燕翼省閭閻而行慶蒼生普被鴻恩將見農

人紅女呼嵩者繞

大安之輿越水吳山罨畫者邀

王母之顧

精禋歲事王路載登成律七言克諧八韻

崇壇祈穀屆初辛

是歲雖祭於次辛而立春在正月則尚為初辛云

盥薦柴升

秩有倫仰異瑤編書歲稔親扶

鳳輦舉時巡南人望幸心云慰

西母承歡願以申四海一家何德我

三朝厚澤久孚民省方設教義經重覲后同衡虞典陳  
駘宕和風清始蹕依韋暖律鬯青春歷看麥隴勾萌達



擬詠江鄉景色新法

祖悅

親厓休助六龍于邁豈辭頻

盧溝橋

石橋卧凍波來往行人渡乘時每斷流狂瀾歸何處去  
歲決畿南至今困沮如固愧人力為詎容諉諸數䟽濬  
付河臣古今重防護

良鄉行宮作

冬前迴蹕因巡豫春孟登程為渡江兩月風光那爭異  
閒齋日影漸移窓

來往云何不惜勞勤民匪止為遊遨人文江左遥相望  
却慮經臨句未豪

十六年來厯保赤近光引領自輿情縱饒解澤輸逢澤  
有慙去聲蒼生愛戴誠

浙東西及大江南分付韶光莫太酣指日六飛應駐蹕  
觀民餘暇試清探

良鄉行宮侍

皇太后宴魚陳火戲

梅信催人未可遲

江南梅花春半  
即盛故早起程

祈辛禮罷翠華移  
那無酬節同民樂  
且喜稱觴是處宜  
風定紫瀾迎五夜  
春輝銀盞燦千枝  
一家中外嘉賓集

蒙古王公送駕者  
命隨一頓觀燈

依約觀燈上苑時

春寒

春郊雪後釀春寒  
料峭東風入馬鞍  
應是東皇傳鄧尉

勾留春色待人看

弘恩寺雜咏

遙瞻古樹蒼小憩禪房窈來往頗慣經新年景倍好  
寺縱臨通衢有僧住便靜此趣僧未諳翻謂莊嚴整  
闍黎重清規云是蓮池派指日經武林雲棲應好在  
丈室紙窓明依然昨景情却憐枝上鳥解報曉春生  
積素釀餘寒盆梅香正放叶琴薦墨壺清合是此中賞  
每得新題句不同前詠時問伊老庭樹是爾啟予思

聞山東得雪

春前甘雪遍青齊大吏封章火速題昔歲灾傷真亟矣  
三年休息未遑兮閭閻到處親循覽富庶何加此佇俟  
若為乘時攬烟景濟東芳草尚含悽

上元前夕行營觀烟火即事

火戲行營却異常燈前隨分賞韶芳烟村中有豐年景  
碧落邊仍古月光漫集梨園陳法曲試憑渠几詠新章  
田蠶照處農祥應也勝樓頭甲煎香

上元行幄賜宴觀燈卽事聯句

御製

青郊行慶共民娛上苑觀燈景畧殊玉輓團圞臨廣

幕

銀花璀璨散平蕪遙山橫雪光添炯上日占年瑞

表符大地陽和迴北極

臣梁詩正

中宵景慶映南弧琬

璃河畔冰猶合涿鹿城邊草未蘇載道人歡瞻罕

畢

臣汪由敦

御製

初筵賓序列罷觥御營酬節鰲山設春酒稱觴

鳳輦扶繼照曦光成不夜

先春林采競交村玻瓈挂定歌還整緋佩飄來綴

復紆響入長天迴雁陣

臣錢陳羣

烟留遺穗滴蓮壺千

枝艷欲欺張令幾曲詞應失石湖寶界光明皆佛

國

臣梁詩正

御製蕊宮離蔚自仙都為添佳話傳燕趙便閱亨衢達越

吳真是携來三學士

驚看捧出

百驪珠七襄錦爛天孫織萬道金流列缺驅飛卷紫瀾

騰墨海

臣汪由敦

點成銀汞出丹爐盤旋羣鶴自來去

曼衍鯨魚乍有無狀噴璣璇題趵突

臣錢陳羣

御製

助歡罷虎名都廬傑池火樹還荆燕霍靡冰荷欲隱

鳬尚憶貧家一盞對

合教天上六么輸雲和鳳管吹陽律法部驚音叶

野飲冰宇雷轟喧樞馬

臣梁詩正

慢城風靜立竿烏行

聯萬歲宜春字巧繪羣真獻壽圖眩目紛披憑闥



捷

臣汪由敦

御製摩肩攢聳任招呼旌門不禁來蒼吏蠶事相迎祀紫姑詎必廣陵誇獨盛

須知于薦賞寧孤空中論斗傾紅豆瓶裏駢枝綬

綠芙色瑩寒芒連五緯

臣錢陳羣

粧翻新樣雜三銖金

繩斜曳催弦矢綵駕高懸轉輓轡

香案氤氲垂朶朶

臣梁詩正

御製絳衣舞蹈唱喁喁風雲龍變真神也頃刻花開有是

乎到處長安太平節

勝邀蓬島列仙儒閭閻喜氣覃三輔巷陌歡聲接

九衢道協賡颺時正泰

臣汪敦

又占宴衍義為需要

祈南畝書豐穀不數東都賜大酺屑飭琅霜凝粃

粃

臣錢陳羣

御製香浮瓊液得醍醐華裊坐侍衣冠會嘉夜歌傳昭曠

途漫擬鴻文揚豫大相期魚直進訐謨

上元即景燈詞八首

佳節從來說上元上元是處景滋繁銀花火樹連村列  
便覺風和景物暄

初月團圞夜最嘉郊原濃疊赤城霞省方即景同民樂  
中外熙和共一家

旌門譙報且徘徊玉漏銅壺底慮催此夜烟花異田火  
扶携老幼許觀來

點綴休稱野意陳茆檐忱悃總能申燈前咨爾旬宣列  
蒙正嘉言莫忘貧

鸞翔鶴舞勢嵒嵒星月光中雪色皚歸帳成詩諸內翰  
何如張說看燈回

火蛾玉蕊偷春艷青女紫姑儘俗傳說與親民二千石  
由來事事重農田

少海風微定綺瀾恒春花發萬枝攢明朝趙北陳冰戲  
更步星橋達廣寒

百道垂虹夜未央雙葩結燄慶年芳侍臣底識予心喜  
只有憂勤與日長

趙北口行宮作

初歲臨行館開韶景已妍會心即在此得句偶思前瓷  
鉢唐花茁紗縈銀蒜懸淀池冰未泮不必命虞船

簾捲和風細窓含嫩日明兩間供靜玩萬彙快新晴凍  
浦鳬仍聚春林鳥不驚文牀淨斐几書史最怡情

上元後夕觀燈火

絞縛烟花凍浦間冰天火戲勝塵寰春雷驚起魚龍蟄  
雲物團成虎豹闕真是水仙朝貝闕誰教海客駕鰲山

踏燈詞儘饒佳麗此夜風光未許攀

題扁鵲墓

越人邂逅遇長桑十載精勤授禁方今多恥學於師者  
韓氏稱醫意甚長

渤海名醫術有神功同岐伯世無倫庸醫疾妬加殘害  
活得人多轉殺身

桓侯有疾云無疾退走已成不治時所貴知微蚤從事  
可通治理詎惟醫

命直隸總督方觀承加賑去歲被水諸郡縣詩以

示志

方春氣始和萬物欣榮滋翠蹕經黃圖施惠期惟時途  
次所歷覽閭閻固怙熙嗟予未見者豈無嘆向隅叶去  
歲況多水懸釜饑難支沮如未全涸播麥復失期致灾  
莫諱咎救灾要善為亦無別竒方加賑頻疇咨截漕及  
散金屯膏戒有司國以民為本舍是其愛誰民以食為  
天祈年夙夜孜

鄭州道中

虹偃長堤十一橋垂鞭那覺驛程遙  
兩行烟柳春猶淺  
萬頃冰湖雪未消

開韶風景含明媚輕塵不惹玲瓏轡  
行春指日到江南  
先期寫出江南意

我愛燕南趙北間溪村是處碧波環  
若教圖入橫披畫  
更合移來幾疊山

道左荒顏見土城昔年鄭郡尚存名  
底須舊蹟尋殘碣



一晌東風千古情

河間道中示直隸官

河間古瀛州文物頗可觀  
前巡適災餘室家纔苟完  
版築命代賑難堞儼崇垣  
閭閻亦較盛散井騰炊烟  
邇來幸屢熟繭桑粗免寒  
覽此心為慰申命親民官  
彼獻乃列藩詩書教尚敦  
熙朝際富庶教之勿畏難  
束濕術宜戒粉飾習並蠲  
豈弟行以誠感民亦匪艱  
佇待比戶封吾將鼓薰絃

再和沈佺期望瀛州南樓韻

舊跡傳崇譙如蜃樓逼霄但期佳名垂安問勝賞寥當  
時謫居人傲睨凌雲颺不見百步臺仍經幾曲橋首春  
蹕重過前歲景非遥幾多感衷曲誰能蠲塵囂望古懷  
彼才言志為茲謠

微雪

微雪霏春宇輕寒峭轆車點林全發蕊著體旋融花未  
苦成泥寧方欣潤麥芽曉炊村墅裏縷縷裊烟斜

江南意

毛嫵白台及西子不必謀面人知美吳越山川卷盡中  
傳聞爭羨亦如此吟詩好景說江南前此何曾一稅驂  
觀風問俗式舊典湖光嵐色資新探朝來小雪千林綴  
梅信依稀速郵置鄧尉孤山似此無迎人蹕路江南意

紅杏園

渤海經古邑芳園駐翠輦徘徊尋故蹟云昔日華館三  
雅曾著稱五經亦賴顯崇構早傾頽土階新拓展池臺

取畧具琴書供靜遣物力毋亟勞容膝斯已善

燕九日觀燈

上元餘興覺猶濃燈事重陳景物融日紀卽仙沿俗例  
地傳毛氏想遺風繼離騰照千村朗應節紛懸萬樹紅  
真勝御園聽法曲謳歌樂處與民同

春雲釀雪曉來濃六出難分半就融更助景光媚佳節  
便陳燈火閱民風垂虹百道連天耀結餞千葩徹夜紅  
宴罷肩輿返行殿青郊盛事昨宵同

曉行

夜雪微飄畛疊銀憑輿曉景助清新漫辭旅況侵肌冷  
且喜田功覩土勻郊郭烟容低遠望閭閻氣象驗前巡  
獨憐萬騎隨清蹕應有衣單怯凍人

示山東巡撫準泰

山左前巡憶洊饑吾民疾苦日思之三年休息今何若  
莫飾虛觀進頌詞

董子祠

漢世真儒數仲舒精言三策豈虛車可憐好士秋風客  
雜進長陵竈鬼書

不問蒼生問鬼神賈生宣室席前陳始終只有江都相  
善治春秋學行醇

帷下三年不入園資深左右乃逢原如何後世為儒者  
摘句尋章枝葉繁

賜魏廷珍

高年引養客向日弼諧卿鶴髮猶然健葵心不改傾遂

初孫著作樂志仲高平別後今三載刪裁可就成

路旁秋麥頗少切切有懷因示直隸官

去歲愁霖未涸泥延緣秋麥誤耕犁連阡那見青蔥滿  
入夏安期鬢穗低縱復截漕難遍及敢斬鮮澤慰群俛  
青郊餘潤春畬利好勸耒時舉趾齊

細雨

時作雪霏時細雨濃陰三日物含滋旁人曾至江南者  
道是依稀景若斯

題晁補之老子騎牛圖

黃髮番番背已台禹餘

上官名

暫下九琳臺五千不是閒

拋置為什闕門令尹迴

衍聖公孔昭煥來迎詩以賜之

挈族郊迎蹕路邊成人見汝忽三年

戊辰至時昭煥尚幼

闕里文

宣世澤垂千古克繼家聲慎勗旃

麥未萌

昨過畿南未見麥苗被隴以為秋潦未盡涸而播



種者稀切切不能去諸懷進總督方觀承而問之  
始知去秋乘潤種麥者較諸往歲乃倍蓰至冬例  
驅馬牛踐食之當春萌芽益壯其尚未青蔥者則  
以今歲遇閏尚非發生時也問之耕氓亦然既慰  
於懷兼成是什

記我戊辰經畿南秋牟被壠迎人綠今來曾未見蔥芊  
預恐餅餌或不足進彼大吏共疇咨謂因遇閏春令遲  
正月柳穉今未穉何獨麥萌虞後時一言中窺吾解頤

詢之老農同一辭聞言欣然笑相慰先事過憂母乃遽  
我久課農意盡知於今仍有未知處

賜河東總河顧琮

堤遙工簡息洪濤無事常經智不勞泉閘湖垸善潴洩  
永期轉漕濟千艘

過景州

城上遙看塔影孤輕塵不動雪微鋪三年兩度仍經此  
今日昔時頻感吾禿樹華如發溫丹青郊寒未茁春蕪

蓋蔽畧具雞豚息擊壤隨民得自娛

開福寺

紺宇現青蓮瞻遊取路便法雲垂四界花雨散諸天韶  
秀春光闕崇隆塔影懸禪房聊靜憩駒隙指三年

入山東境

不爭十里度平川民俗全分齊與燕稍幸秋糧積困麤  
更逢春雪被原田初晴日上籠輕靄薄冷天低暮晚烟  
運水北流津口近那堪回首憶前年

過德州

運水浮橋蟠竦懸重邱城郭富人烟觀民喜見千家聚

問歲知逢五熟連

戊辰春東巡時山左諸郡縣游飢之後戶鮮蓋藏流離之狀憫惻予懷於

是竭力賑恤更賴

天恩

雨暘時若其秋遂有收已

已庚午春秋皆稔以是問閭景象大覺改觀為之額慶

益凜持盈之懼云

調幕多慙休頌我書禾有慶益祈

天十分心始三分慰次第評量驛路前

老黃河

導河積石至龍門華陰底柱逮孟津播為九河入于海

神禹舊跡堪指論後世因循漸南徙誰能障使歸其原  
又聞刷黃利深導義取其合毋取分一河猶時虞淤壅  
析而為九流難奔居今志古不盡同卓哉史遷垂名言

復雪

風雪夜交加嚴寒切曉車紛霏迷玉海散漫捲銀沙縱  
值年餘閏虞傷物茁芽謾云花信遲去聲農務重看花

平原行

驅車度平原因作平原行平原公子喜賓客一時豪士

列坐盈美人笑  
璧者請頭太不情  
造門自謝客復至  
至今難論偽與誠  
所幸毛遂一脫穎  
頃刻辨論從約成  
當時齊楚魏公子  
皆云好士畧可評  
脫秦得濟於狗盜  
亂楚不斷於朱英  
如姬竊符奪晉鄙  
危計密定亥與嬴  
客不過如此主亦  
奚足稱嗚呼戰國  
尚譎詐其真賢者  
惟應隱迹衡門耕

王鑑秋山蕭寺圖

梵宮門對萬峯羅  
精舍三間也足多  
誰道金秋氣蕭颯

白雲紅葉錯青螺

閱本

印篆新年卜日開封章郵置速傳來宵衣旰食其常耳  
勤政親賢又勉哉毋作聰明循舊典不私耳目示親裁  
深慙端拱無為治問俗巡方歲幾迴

雪霽

雪霽平原暮色清溫暾纔落野寒生恍疑凍樹花爭發  
且喜春田麥未萌布帳燈竿奪星燦旌門鼓角入宵鳴

依稀前歲東巡況觸緒難忘愴惻情

間河南得雪六韻

去歲秋巡豫恒陽佈種稀常教千里繫安得寸心違甘  
澤新年沛佳音驛騎飛先春節未過入夏麥應肥霖霖  
因時降豐亨為衆祈齊封更親見積玉遍塍圻

齊河道中作

歷歷齊郊已三日物力民情亦粗悉雞鳴犬吠達四境  
饑食寒衣足千室民風迥不與昔同信知敦俗由年豐



年豐余福灾余罪此責豈諉諸羣工羣工邇來喻我意  
豐不偽陳灾不諱但須終始行以誠天必降康民受賜  
前歲流離即此民今來皆作飽煖人道路感謝爾莫頻  
尚異風俗歸溫淳

陸治梨花白燕

入叢難辨色飛逐落英狂一陣微風度應憐毛羽香

恭依

皇祖南巡過濟南韻

春月南巡過濟城敬絕

家法念民生承

歡更興增遐筭後樂遑誇閱太平  
嗷雁昔憐凋羽翼夢  
魚今喜兆豐盈不堪歷下馳遙望  
倩取村烟一片橫

過濟南禱詩

曲阜春巡憶戊辰同扶鳳輦侍

慈親行宮抱疾催旋轡猶恐懷歸勞衆人

大明湖已足銀河鵲駕橋成不再過

戊辰詠鵲華橋有  
若把鵲橋比靈鵲

之句遂成  
詩識云

付爾東風兩行淚為添北渚幾分波

大明湖  
在行宮

北之

徧繙彤史若齊

賢五日登舟詠斷絃

戊辰自濟南迴鑒五日登舟即遭  
先皇后大故朕作輓詩有朱琴

已斷絃  
之句

南幸奉

親重設閭那能遽忘濟城邊

清明節故斷魂天華注何堪重憶前

戊辰春臨是地  
正值清明節

却

是山靈猶解事連朝為我隱雲烟

見山

平原行久見山欣況復初韶霽  
充雲漫說魯齊青未了  
請看天地白中分送來寒氣迎  
朝轡付與吟情寄夕曛  
我向登峯志舒嘯不同七十二朝君

填倉日作

俗節重填倉此日宜晴和朝來風日佳  
所喜占得禾青  
齊經數程氣象異昔過轉旋賴

天佑賑救知吏宜叶遂使三年間元氣復萬家叶烟村

惜年芳燈事今夕羅便與占民風姑弛金吾訶憾憾憶

昔人鵲華況嵯峨

憶慧賢皇貴妃以乙丑是日薨逝而孝賢皇后又以戊辰春月東巡至

濟南抱病仙逝三年之間兩失故侶觸緒傷懷曷能已已

尋思事固然舊緒徒延俄

達者戒一往毋為感慨多

詠史

范叔因王稽奔秦號張祿使舍食草具歲餘未見錄言  
外觀俯仰稍以中其欲既信乃言深言行穰侯逐拜相  
受土封顯榮快衷曲微服給須賈莖豆明示辱一飯德

既報睚眦怨亦復鄭安平云叛河東守乃戮臨朝歎昭  
王辯計兩窘東蔡澤間之來志匪同庸碌持梁刺齒肥  
四十三年足雄談悟應侯知止全身福罷相遂代之數  
月退何速二子蹟畧同因時互傾覆鄙哉勢利徒明鑒  
昭往牘

長清道中作

雪後餘寒戀翠微春初薄暖愛晴暉山村曲折覘民俗  
不必匆匆策六駢

一水縈迴出崖口數橋迤邐度川頭幸他舉火千家足  
慰我思人幾日愁

童山處處是牛山孟氏名言想像間只有箇峯蒼翠好  
清晞酬我片時間

無風和霽曉烟輕閒冶嵐光驀地迎今歲春寒遲春事  
略傳消息到長清

御製詩二集卷二十二

欽定四庫全書

集部

御製詩二集卷二十三  
四

詳校官尚書臣德保

助教<sub>臣</sub>常循覆勘

總校官原任中允<sub>臣</sub>王燕緒

校對官助教<sub>臣</sub>蔡鎮

謄錄監生<sub>臣</sub>王鏐



欽定四庫全書

御製詩二集卷二十三

古今體一百二十二首

辛未二

過泰山恭依

皇祖詩韻

纔看積雪消峯峯又覺輕雲翳日頭  
豈是山靈邀客住故教嵐氣作烟浮  
屢吟尚憶

堯登頂結攬遐思禹畫州阿那天門門左側雲巢三日

我曾留

雲巢岱頂  
行宮名

仄路盤旋出谷口岱宗俯視衆峯頭  
試思前度遊如在  
了識百年夢亦浮  
稍喜省方近吳會  
豈辭問路自齊州  
若云此地山川景  
只合驅車不合留

望岱廟

自有蒼精協震亨  
崇祠象設始誰成  
靈趨漢縣羣黎赤  
事紀茅家三弟兄  
香和岱雲千仞合  
鐘傳汶水十分清  
憑輿竭尔馳遙睎  
鱗繡郊原漸可耕

寄題漢柏

瑤階漢柏盤童童  
柏下吟情想像中  
不及同時嵩嶽樹  
受名曾共潁川馮

玻璃窓

車窓懸玻璃障塵勝紗帷  
內外虛洞明視遠無纖遺  
可避輕風寒還延暖日曦  
惟是聽受艱揚言聲似卑耳屬  
或不聞目成乃可知明目信有濟  
達聰非所宜致用當  
節取格物理可推

微雪

膚寸英英傍晚濃  
天花幾點下崑峯  
山靈都解標神異  
况是巍巍數岱宗

勾萌未發驗稊楊  
春早田功雪未妨  
獨慮扈行羽林衆  
豈無寒者薄征裳

天衣篋玉白皚皚  
合是合雲亭裏來

合雲亭在泰山之麓

著樹續

紛開且落先傳消息隔江梅

度汶水

汶水虹橋凍合津，  
紉芽宿麥遲抽新。  
心期鄧尉村前景，  
背指天孫雲外皴。  
往事總堪愁渺渺，  
無生底必滯塵塵。  
未忘只有勤民念，  
餘概空花付夙因。

喜晴

春月希逢是喜晴

春月北方每慮少雪  
雪足始喜晴故云

喜晴最利在新

耕原田遍潤，應田霽。  
茅甲辭寒，自向榮薄。  
凌去聲一灣依

日脆，但雲幾縷逐風輕。  
初韶景色行行近，  
似為江南馬

首迎

燈窓

遠甸散暮靄西峯隱落日笳吹動幔城蓮葉朗氍毹室群  
籟寂不聞景清神亦謐命筆欣佩文讀書期務實遊豫  
貴有度宵旰所無逸景光足自珍棲心在專壹

師曠村

魯邑遙過師曠村於今誰識六篇存平治仁政伊予責  
即景因思孟子言

策馬

策馬平原路不賒  
勤民生計問農家  
詰晨遵路消輕霧  
薄暖迎人絢早霞  
微覺東風催弱柳  
定知南國待春花  
行營駐蹕饒清豫  
淨几詩成日未斜

新甫山

傳聞新甫易宮山  
漢武求仙遇此間  
何事長生無大藥  
茂陵秋樹鎖孱顏

蒙陰積雪恭依

皇祖詩韻

東來不是為登封絕

武南巡重幼農今日蒙陰仍積雪當年

聖藻並高峯

蒙山

岱宗東來數百里或宮或霍伏還起蜿蜒一氣結蒙山  
截薛堂皇重見此惜哉濯濯乏喬柯牛山之木亦嘗美  
翠微風來生峭寒放乎琅琊意近是一遊一豫侯度昭  
仿佛其招在角微



望蒙山雪色再成

崇巒積雪昔年同

聖祖巡踪景仰中  
奄有海邦為魯鎮  
果然山下出泉蒙  
逢年民鮮飢寒色  
敦俗戶多淳朴風  
百歲熙和九州宴  
自惟何以繼

鴻功

正月晦日

春月九十日於今  
孟月過知他百花  
未奈此一分何雪

積寒猶峭日烘景旋和江南行已近詩思發人多

過沂州

此州前者灾尤重地處南遊衆水歸縱未目經心倍切  
敢忘民務國斯依所欣逢歲蘇千里豈冀呼恩擁六飛  
銀浦紅橋春日嫩高風遐想浴乎沂

二月朔日

昨餞孟春今迂仲堂堂來者逐詩排闥珊未至何須惜  
艷裔行臨豈不佳幾日東風消積雪千畦冬麥發新莖

檀廬窓紙烘晴旭芸牘生香暫寄懷

沂州覽古

顏址荆秦說武城絃歌昔日此間聲  
牛刀小試猶崇道況我寰區待化成

墾山飲水雙親樂簞食顏家較若何  
至行由來重文字篇成十五尚云多

二疏歸里散金錢此日臺存憶昔賢  
可惜勞生蘓季子何曾終保洛陽田

臨沂聞是昔琅邪故里仍傳王氏家澤筆池湮誰汲古  
蘭亭此去漱芳華

即事

入山覺冷出山暄歷歷青郊散曉暎所至連村問生計  
大都百里異方言春寒且遲花子柳歲熟魚鱉難與豚  
排日迎鑾羣接踵累年休養此元元

題禹王臺

沂沭不相見神規禹所餘自從歸以壑誰復歎為魚績

豈資堙障功惟利淪疏巍然石臺下即此溯權輿

憶梅亭

居洛思梅再抵揚法曹花下日徬徨春風古縣亭猶在  
兩字標名萬古香

雁

春寒因致雁來遲行近江南始遇之於異類中真有信  
勝同塵者但隨時非鬼矰繳無須畏于澤棲眠任所宜  
恰似去年清苑路目窮人字引遐思

郟城道中

龜蒙迴望數峯尖大野風光取次拈人意貪程催馬策  
晴曦送暖入車幃江聲迎客行行近詩趣和春旋旋添  
老幼初逢清蹕至羽林訶禁莫教嚴

示山東巡撫準泰

所過蘭山郟城上年畧被偏災之區見扶携而來  
者雖無饑寒之色而室廬蓋蔽究不逮他邑亟命  
加賑並未經過而亦係偏災之五州縣令分別加

賑焉

蘭邦去秋潦蠲賑早施惠今來閱閭閻稍幸起凋敝尚  
未臻盈寧終鮮蓋藏計俗云民所艱青黃不接際念此  
心怵怵豈靳沛恩濟加賑有常經隨宜善措置其餘五  
州縣歉收與此類雖非目所擊民瘼豈有異貧戶有等  
差布澤應次第毋使吏胥侵向隅或弗逮庶異蒼黎蘓  
安心待逢歲

雜言

披沙以揀金金成非復沙一賤混汙泥一貴價無加其  
始相依倚相去分不賒終乃千里隔豈識毫釐差沙仍  
望金顧庸詎忘舊耶金謂爾無功我貴固足誇爾沙胡  
不悟蓮子笑蓮花

入江南境

裊裊東風拂面春乘春鸞輅舉時巡江南至矣猶江北  
我地同子總我民祇厓觀方懷保切豈難解澤惠鮮頻  
更欣餘事尋文翰秀麗山河發藻新



暖

纔入江南半日程  
溫暾暖氣面前迎  
絲鞭不裊東風軟  
簷帽輕掀曉日明  
千里征人忘栗烈  
一時景物報芳榮  
省方本欲知民事  
疾苦應須諮老更

恭依

皇祖示江南大小諸吏詩韻

聖人致熙皞鳳麟在郊輒而猶

所無逸巡方民隱剖於今四十年盛典未行久藐予蒙

業安負辰為元首繩武仰

仁皇承歡奉

慈母逋賦二百萬蠲除惠農畝乘春發行旌皮軒道游  
後減從勅羽林修職戒典守閭閻期不驚比戶和睦友  
餘暇寄山水智樂仁者壽茲來匪豫遊

前徽勉無負

宿遷道中作

觀民展義舉時巡澤國非遙路少塵畢雨箕風從好惡

小廬大法勗臣隣就瞻一任扶携至出入何須警蹕頻  
底事初逢如舊識本吾宵旰繫懷人

賜兩江總督黃廷桂

迎鑾衛警蹕建節久旬宣體我勤民德嘉卿率屬賢何  
須張錦帳惟喜閱鱗田細驗剛柔俗周諮豐歉年咸中  
方有慶虛已自無偏此地人文盛還淳尚勉旃

峒嵒山

綠野平陵翠黛紋拂廬小對意含欣鍾吾漫道纔拳石

早具江山秀幾分

停蹕遙看峯對門  
夷麥蘭若靜風磬  
閣黎道左紛迎駕  
想厭清閒未厭喧

舉目崇椒縹緲間  
愛他畫意已吳山  
東風策馬尋前路  
鞭影仍留片晌閒

麥

盼從異甌寒遲茁  
看到淮徐綠滿田  
第一江山春好處  
十分梅柳色徒傳  
漸漸他日應藏雉  
縷縷於今欲起烟

此是千家餅餌計羽林馳騎戒紛填

駱馬湖

濟運輸天庾防霖安地行相機資蓄洩惟謹度虧盈洲渚江鄉趣鳬鷗春水情六塘東達海切切念民生

度永濟橋

水退長橋未卧波垂鞭風裊跨虹過每聞行潦愁溢溢  
蒿目疏治竟若何

示總督黃廷桂

所過宿遷清河桃源三縣上年被水之區雖已加賑茲經覽閭閻益切軫念亟命再加恩卹並成是詩

三縣雖加賑經臨倍切情卹民寧過厚咨爾善推行貸種休償責興耒莫誤耕所憐災歉後歡忭馬前迎

陰

聞道江南春雨多東風無力奈雲何旅人緘未愁漸石已覺濃陰兩日過

麥始勾萌綠色滋鱗塍含潤恰相宜若於三日前逢此  
正望齊雲興澤時

宜晴宜雨不輕談風氣田功未悉諳漫道溟濛礙韶景  
不因花柳到江南

夜雨

夜雨入深更擅廬浙有聲却因詢土俗知亦利春耕地  
脉應餘潤花枝欲向榮所嫌泥濘甚輜重慮艱行

見新耕者

春郊叱犢一聲聲雨笠風蓑宦塵情憶似燕南還早作

去歲保陽見新耕者於二月下旬故云

喜從淮北見新耕烟花千里都應

讓銍艾三秋異有成望杏瞻蒲迎蹕路水田疆畝互縱

橫

中河

駐輦近中河朱欄俯綠波羣歌漕運利永賴

聖謨多

運口向在仲莊我家莊號為中河漕艘及商船利賴無窮云

皇祖指示命移於楊繼

述夫何有遵循敢更過省方得知要遑復論其他



晴

入境逢晴和兩日繼陰雨渡河快曉霽

是日渡黃河

波平澹

容與黃流片刻過歡聲騰萬戶人意即

天心益凜無逸所

楊莊閘恭依

皇祖詩韻

景仰

先猷志有餘

御碑亭畔佇徐徐守而弗失由來事

前烈毋忘語豈疎

初晴暖日颺遊絲幾里金隄翠葆移露冕茅檐頻借問  
民艱要欲得周知

渡黃河

去歲渡孟津兩岸隔五里今來渡淮安河惟里許耳岸  
寬流則平河窄流斯駛南河防塞多時聞疊浪起而我  
時南巡正逢晴日美盪槩越溜過安穩非昨比

天心明錫佑

河伯默相祉平陵川氣黃紛擁雲容紫  
翦旬象實雄詆蕩波偏瀾永念平成功細度修防理

惠濟祠

玉構金堤神所憑瓣香展謁肅虔增黃清淮又常資佑  
捷密莢長敢恃能夢雨飄初逢曉霽靈風恬不致波興  
漕艘來往稱庥應爭奉馨椒潔享蒸

閱河示總督高斌

澤國民生庶金隄

祖制垂來巡期善守底績貴無為持正裁浮議開誠集  
衆思問予何訓示志在五言詩

恭依

皇祖覽淮黃詩韻

御碑亭畔滙清黃仰溯

塗山疏濬方端拱九重遑自逸疇咨萬姓切如傷惟斯  
繼述誠應勗亦曰流連慎戒荒高堰重蒙

皇考建千秋淮郡倚金湯

木龍

木龍制如鹿角枝梧交午其中編竹為障置急流  
中水徑過而沙漸淤宋臣陳堯佐創為是法前代  
治河者未得其用近河員李昫陳之總河高斌斌  
用之遂著成效朕臨視河工目擊其制詩以紀之  
刊木遺來天用奇淤沙禦水西兼宜密莢事塞橫浦  
曲岸居然漲遠涯鱗次常令波浪靜蟠拏那許蜈蛟馳

陳堯佐創高斌繼續奏安恬制永垂

閱高堰工有作

皇考重河防

神謨定廟堂帑金頒太府高堰衛維揚濟運南輸北安  
流清匯黃申咨惟善守千載固苞桑

洪澤湖恭依

皇祖詩韻

翠華六度事非虛昏墊常憂淮與徐疏導遠同神禹績

至今民免歎為魚

閱河恭依

皇祖詩韻

清浦今來駐御營

神堯方畧仰天行  
河臣咨爾無多訓  
惟是丁寧勗守成

賜沈德潛

水碧山明吳下春  
三年契濶喜相親  
玉皇案吏今烟客  
天子門生更故人  
別後詩裁經細檢  
當前民瘼聽頻陳

老來底越精神健奴外胎禽雪裏筠

清江浦

春江鳳舸駐沙濱南國風情領畧新白鶴紫霄皆福地  
枚臯趙嘏兩詞人韶光喜不藏堤樹綠意看將漾汴蘋  
邇日寫懷多韻語得無民事間去聲咨詢

月

黃龍泊沙嶼素魄漾金波隄景清還創春宵遇豈多乘  
流光激滌蘊影意延俄檣燭懸星點漁舟唱晚歌掬來



應不濕印去本無訛即漸臨吳越宜人更若何

草色

渡淮逢草色景候北南分  
烘日生烟浪含颼蕩水紋  
柳纔稀遜綠梅未放先芬  
何必王孫意東風著處醺

題釣魚臺

旁有漂母祠

并泮紉人識俊雄偶然一飯濟  
塗窮叢祠不斷故鄉火  
凍浦猶存沉釣風奚異三千六百軸  
用李白歌太公事  
輸他濟北穀城翁  
淮陰生死由巾幗是始須知以是終

示江蘇學政莊有恭

從來庠序儲才地觀國之光利用賓所貴清真無雅正  
莫容牛鬼及蛇神春華秋實崇經術廷獻家修重大倫  
自是此邦文勝質丁寧致勗務還淳

恭依

皇祖閱河堤詩韻

巡法重華典歡承

長樂宮河防惟

祖述民瘼更研窮石閘萬年固清江千里通

神堯復

神禹奕葉戴鴻功

過淮安城

初來南國為觀民水郡臨堤榮騎巡富矣閭閻藏不匱  
彬哉士庶許還淳就瞻特弛千軍禁感頌還憐一念真  
共受春溫抒愛戴豈辭膏澤及時頻

盆梅

船窓拈詠對盆梅嫩日纔逢幾朵開不是火攻尋下計  
北方盆梅皆用火薰始開此則其自放者移於盆耳多緣花信報先來一株已足  
春風意萬樹行看香雪堆棹過沙汀迴望處也分踈影  
得清陪

平橋

初駐遊龍第一程平橋騁望綠波平迎鑾黎庶肩摩溢  
舟水相關喻衆情

風車

水車較抱甕省力足機心後人仍謂勞風車機更深一  
例龍骨轉輦確升旋沉曾不藉人工吹萬力所任青雀  
泛中流夾岸排森森檣烏五兩輕輪旋不自禁翻聯偏  
逞勢伊軋常騰音分疇吸白浪灌畝抽綠鍼阿香能豈  
擅異二功堪尋我欲戒其巧實可助為霖我欲美其德  
恐溢滋浸淫五言識所見吁嘻懷漢陰

舟行

甕社菱絲春綠涵可人新意是淮南牙檣錦纜千秋鑒

蟬舍蝸寮一路探闌切民依銘實念鋪張治道戒虛談  
河防畧具無多示所慮更張率未諳

風颿

颿藉風以駛微則舟行遲風送颿以征盛則或過之往  
者得順行來者苦逆施而可難為適一中貴其時天地  
猶有憾異二夫何辭

高郵湖

淮南古澤國高郵更巨浸諸湖率匯茲萬頃波容任灑

火含陰精孕珠符祥讖隄岸高於屋民居耜地甯嗟我  
水鄉民生計惟罟罾菱芡佐饗殮舫艫待傭賃其樂實  
未見其艱亦已甚

船窓夜雨之作

聞道江南春雨多船窓點滴夜如何榜人預喜明朝路  
下水兼逢漲運河

零零浙浙滴波聲妙寫溟濛杳靄情今歲春寒便開霽  
曉看花未重江城

高飛迴雁下沙汀  
遠帶瀟湘音渺冥  
最是推篷望漁火  
分明烟嶼點疎星

北地常稀好雨滋  
設教溥被信稱時  
麥鍼芄綠二千里  
畿甸闔心付寤思

晴

見未見今間未間  
北南風氣果殊分  
春逢雨易難逢霽  
風送船行更送雲  
不獨耕犁免沮洳  
損教征棹豁氛氲  
明朝便近維揚路  
隱隱遙眉列翠紋



曉行

風恬喜晴明貪行一程路解纜見疎星  
昀昀忽將曙漁舟篝火明晏眠猶未寤  
揚帆破曉寒策我何急務半嘗行旅況  
半愛探梅趣

舟過高郵

黃帽發謳歌樓船穩運河厓心籌澤國  
極目賞烟波春色柳梅綻江城士庶多

聖蹤隨處仰沙岸倚牂柯

邵伯鎮

太傅堤存綠水潯  
惠方召伯頌棠陰  
蘭舟緩過思遺躅  
絕勝東山絲竹音

舟行即景

天色湖光快曉晴  
水鄉十里片時行  
新葭烟染看看重  
宿霧晨消淦淦輕  
江北淮南經次第  
勾吳於越漸逢迎  
僊來士女如相識  
我以為田愛此情

維揚覽古

清晨解纜發秦郵，落照維揚駐御舟。  
岡有槍旗宛是蜀，山纔培塿亦稱浮。  
建牙鎮靜猶傳謝，通守文章更紀歐。  
寂寞隋堤烟柳在，秋宵誰見亂螢流。

香阜寺

維舟對晚春，登陸臨初地。  
水鄉經數程，見山已快意。  
土

阜縱無奇名，與清涼配。

是處俗名小五臺

文殊無小大，而人紛

位置丈室，暫僵徨爐香，綴烟穗。

維揚雨泛

風吹濕玉一絲絲廿里邦溝畫舸移望裏平山烟外隱  
到來初地岸傍宜已知利穡歡農父不用清塵謝雨師

南方地濕率無塵土故云敬讀穹碑欽

聖蹟

承顏一例奉

慈帷高旻寺有為奉寧壽宮

皇祖御製碑紀塔灣行宮皇太后南巡之故云

高旻寺

蘭若清蓮宇浮圖碧落天名灣真不愧

是廢俗名塔灣

埋雁亦

堪傳未縱晴明望誰忘言象詮金山不速客暫爾隱江

烟

高旻寺塔晴明可見金山故戲及之

塔灣行宮恭依

皇祖詩韻

南來逐處仰

重華此日重教韻和麻但得一心常守敬從知四海永  
為家省方咨度惟耕織悅已奇褒成鳥花數字行宮無  
藻績

昭垂作法恐其奢

夜雪晨晴

雨寒催夜雪風息報晨晴  
解事東皇惠生歡萬物情與  
梅添朶纈積石潤雲英  
紆棹平山路同民愜此行

駐塔灣行

宮之次日由維揚郡城至平山堂遂維稍  
紆喜值新晴一慰士庶瞻就之願故云

過維揚郡城

淮海維揚下下田  
茲看撲地聚人烟  
古今奚必無殊異  
豐嗇從來有轉旋  
藏富於民欣按轡  
返華以樸憶陳編

百年休養八埏靖致此其難益慎旃

花朝疊舊作韻

從來我意喜花朝  
花朝況值廣陵度  
春寒應為勒梅期  
我到梅期曾未悞  
山茶紅艷水仙白  
次第東風不暫駐  
迎人冶裔湊新晴  
撲鼻氤氳噴細霧  
旖旎勝底須人力  
巧芳菲早領天工賦  
淮東乍叅烟月春  
吳北徒傳桃李樹  
喬柯落落獨無言  
詎與江梅較勝負

天寧寺小憩

昨朝望裏雲烟渺今日坐覺春光舒阿大中郎留別業  
優婁比邱得廣居鳥是南音真愜聽花欺北地無虛譽  
平山更在綠雲外俯暢樓窓恰受虛

虹橋

綠波春水飲長虹錦纜徐牽碧鏡中真在橫披圖裏過  
平山迎面送香風

平山堂

梅花纔放為春寒果見淮東第一觀馥馥清風來月牖



枝枝畫意入雲欄蜀岡可是希吳苑永叔何曾遜謝安  
更喜翠峯餘積雪平章香色助清歡

平山堂雜詠

鏡川經幾曲艤棹陟山蹊蘭若真殊絕曾邀太白題  
巖松無偃蓋一一欲干霄禹貢還堪驗維揚厥木喬  
江南山盡下淮北野無邊勝地誰名此歐陽兩字傳  
玉梅香已發天竺紅且萋冀北盆中珍尋常烟野見  
齊諧以蜀傳茗葉未抽全且就携來種試烹第五泉

咏平山堂梅花

平山萬樹發新花勝舉清遊兩可誇

平山向無梅茲因南巡鹽商捐資種

萬樹既資清賞兼利貧民故不禁也

試問歐公應可否相形鄧尉並橫斜

憑叅疎影生香趣未許歌鶯語燕譁不種牡丹種梅朶  
殢財人亦厭繁華

江北雜詠八首

太公兵法世皆知何必三朝始授之東坡卓識曾標論  
能忍故為王者師

徐君心欲已心許冢樹高懸百鍊冰泉下重生終不愧  
全斯誼者祇延陵

誰云滄海變桑田社祀何傳傳以賢手署當時精藻鑑  
韓稜應得楚龍淵

桃溝岸畔伍員里報楚匡吳兩鬢星不及包胥各行志  
一誠七日泣秦庭

一飯王孫早識賢叢祠猶在故城邊可憐須賈絺袍贈  
不在應侯未遇前

漸臺守約義捐身千載貞姜誰與倫今日露筋祠畔過  
挽顏喜復有斯人

廣陵故事盛元宵毛順還慚綵翠飄節過落燈兼厭鬧  
無須法善駕虹橋

二十四橋明月夜清詞麗句數司勳玉娥詔我無雙景  
不遣長空點片雲

渡江駐蹕金山

南巡行慶奉

慈寧畫舸中流瞬息經浪靜風恬賴江若琳宮福地藉  
山靈西瞻瓜渡長烟白東挹焦山遠樹青拱讀穹碑欽  
聖孝法貽百世慎聰聰

初登金山得句

萬疊銀堆一點青到來曠若換塵形奔騰揚子原標勝  
突兀金山更表靈劫外滄桑憑水閱空中樓閣借雲停  
江天無盡心如爾頓使吟情入杳冥

亭臺俯瞰真無他星斗平臨別有天萬古豪吟誰造極

一時勝覽若登仙方壺圓嶠逢今日伊闕輾轉忘去年  
而我先憂饒後樂何能福地久留連

遊金山寺用蘇軾韻兼效其體

平生不戒遊覽興西浮於洛東觀海輕舟風利過維揚  
此間初識有江在中流巒嶺如補陀八功德水澄無波  
精藍信宿可留憩層樓阿閣何須多青雀黃龍盡收楫  
茄吹笙歌送西日帆檣遠近掛紅燈照入江天星點赤  
髯翁醉醒風雅魄奇句孤吟深夜黑

蘇詩有二更月落  
天深黑及江心似

有炬大明非鬼非  
人竟何物之句  
信耶非耶漫強明律中要使神鬼驚

六百年來人莫識我偶拈賡荅風物濫觴遠憶巴岷山  
土鼓雲門拳石頑清賞憑高興未已烹茶更試中泠水

### 試中泠泉

大江西來源接天流長入海於此成奔川孕精育秀乃  
少蓄結為波心突兀之金山五行相生本母義詎因頭  
陀裴氏方名傳互為其根仍妙合山腰湧出乳竇中泠  
泉古稱第一今試品松枝拾取文火燃玉乳印心淡無

浮雲漿入口飄乎仙飄乎仙風吹袂起左招浮邱右赤  
松子平山第五拜下風浮玉中心洵無比而我巡方喜  
遇此更慚惟辟作福惟辟玉食箕疇言不必高談到斯  
祇惟飲其水

金山寺恭依

皇祖詩韻

瓜步登舟風日和金山景槩實堪多此行詎止尋清賞  
繩



武思量應若何

題文徵明金山圖

不到江天寺安知空濶奇  
携將親證取當境固如斯

登金山塔頂

拾級憑登雁塔尖  
北南形勝望中無  
高盤鸛鶴天風勁  
下鎮蛟龍江窟恬  
造極真教諸慮靜  
到斯何必百憂添  
許多勝概吟無暇  
歸棹重臨擬細拈

江月

水月亦常見江月見乃初我来望後夜娥御来徐徐坐  
待破初更乍覺金波浮叶焦山及象山對峙海門虛團  
團爛銀鏡高懸只須史擊鼓罷馮夷吹浪戢天吳鱗昆  
及甲族攝仰光明珠擬欲問纖阿三山究何如水仙乘  
赤鯉導我親證諸長揖謝未能勞逸終殊途

自金山放船至焦山用蘇軾韻

東坡才富大厦耽錢塘通守遵江南豪詞強韻寄磊落  
醉酌江月對影三我乘陽氣行時令吳趨越若巡農蠶

黔黎愛戴任瞻就何德致此翻懷慙金山泊舟憩信宿  
頭陀巖畔窺澄潭放舟焦山符勝賞長歌快誦心先酣  
興來走筆步其韻何殊喚起髯翁談底須樓觀壯浮玉  
但愛松竹籠虛龕江山本色乃在此靜寄飽厭山泉甘  
從來遠遊志士志豈辭多取貪夫貪餘杭此去讀奇作  
綴辭拙速吾猶堪江風五兩送征棹青雲迴望封禪菴

遊焦山作歌

金山似謝安絲管春風醉華屋焦山似羲之偃卧東床

坦其腹此難為弟彼難兄元方季方各騰聲若以本色  
論山水我意在此不在彼微風入江縠紋起從臣告我  
遊應止橋安舟險有名言曉人何不當如是叶須臾風  
息日纔展焦先望幸意已勤輕舟減從聊攬勝不教警  
蹕呼紛紜三詔祠邊撫遺蹟瘞鶴碑側尋殘文交枝萬  
樹蔽白日造極俯瞰干青雲江聲澎湃山色氤氲東西  
亘界南北區分一條白水無斷續兩岸青山相吐吞焦  
山之遊不虛云詩成用詔間未聞

三詔洞

衡泌棲遲風尚清  
蝸廬焚後一身輕  
千秋洞口傳三詔  
遁世微嫌未遁名

焦山古鼎歌和沈德潛韻

造物精氣屯於屯  
周宣石鼓此仲昆  
二物不共滄桑變  
似與姬氏留乾坤  
昔步太學撫十列  
今來浮玉瞻獨存  
詎嫌梵唄雁堂寂  
飽諳世態龍宮蹲  
禹鑄九鼎象百物  
魑魅魍魎褫神魂  
周衰楚乃問輕重  
定邾沉泗紛迹痕

何似鑄泐傳世澤明標五字無多言

鼎上有錫廷臣世惠五字見德潛詩

是時風露正澄霽昨夜丁甲已揩捫初如天閭闢虎豹  
復如地軸巍崑崙坐令百慮靜一旦瞥見法器當空門  
歎雲吐景耀光采沕沕穆穆胚渾渾底須石鼓合豐劍  
千秋宜鎮化人園奸相覆餗何取此誠哉利足使智昏  
韓蘇大筆彼兼擅德潛長歌此獨論從來詩人志磊落  
要令一發萬氣吞山頭時見鸞鶴下江面靜閱羲娥奔  
德潛強韻我步元奚用君門排九閤

甘露寺和蘇軾韻

江曉風始息山芳春未闌江山有佳致助我尋清歡三  
詔別隱士萬騎擁材官捨舟而遵陸快控青驄鞍左右  
綠麥畦曲折朱木欄比日多舟居乘馬意為寬南仰峯  
崒嶭北俯波渺漫尋筏步初地叅旂標剌竿湧出宇寫  
蓮蹲來石貌獬獬蒲牢傳天監年月精鐫鑽其西踞算峯  
卧龍籌阿瞞其東接象嶺鎖鑰壯雄觀六朝此割據訓  
練列卒團蕭梁更佞佛云益功德瀾長廊扶嶭葉拾級

暫遊盤居然得所思古殿猶善完貌鼎噴都梁鯨磻剪  
綺紈莊嚴獲福果俗僧多誕謾天山下山節雲中翔且  
跚忽為驟者龍忽為翥者鸞如夢幻泡影一語真不刊  
小閣冠峯頂拂拂天風寒長烟一空碧騁目窮江干衛  
公柏何在空傳枝屈蟠更聞葬舍利七粒已出棺當時  
頗樹黨布金徒致歎地下遇董狐應悔跡未刊東坡詩  
中仙五字留吟安豪氣驅雄才力敵扶搖搏倚韻成長  
篇非欲為其難梅花率已發梅子何時酸重來應首夏



無何一指彈

御製詩二集卷二十三